

Izveštaj sa 22. sjednice Općinskog vijeća Ilijaš

Nakon ljetne pauze, u sali Općine Ilijaš, održana 22. sjednica Općinskog vijeća. Na Dnevnom redu našlo se 12 tačaka. Nakon vijećničkih pitanja i inicijativa, te usvajanja Izveštaja o realizaciji zaključaka sa prethodne sjednice usvojena je Odluka o dodjeli stanova na korišćenje, na području Općine Ilijaš, kojom se uređuje:

- koji stanovi se dodjeljuju na korišćenje i njihova struktura,
- lica koja imaju pravo na dodjelu stana na korišćenje,
- redosljed prioriteta za dodjelu stanova na korišćenje,
- uslovi, kriteriji i postupak za ostvarivanje prava na dodjelu stana na korišćenje,
- organi koji odlučuju o dodjeli stanova na korišćenje,
- postupak zaštite prava podnosioca prijave kod dodjele stana na korišćenje
- druga pitanja koja se pojave u postupku dodjele stanova na korišćenje.

Vijećnici su jednoglasno podržali Plan stipendiranja izuzetno nadarenih učenika i studenata, kao i učenika i studenata u stanju socijalne potrebe, predložen od nadležne Službe za društvene djelatnosti.

Planom stipendiranja izuzetno nadarenih učenika i studenata za školsku 2014/2015.godinu planirano je stipendiranje 43 učenika i 63 studenta.

Planom stipendiranja učenika u srednjem i studenata u visokoškolskom obrazovanju u stanju socijalne potrebe u školskoj 2014/2015.godini predviđeno je stipendiranje 23 učenika i 20 studenata.

Na šestoj tački Dnevnog reda našao se Izveštaj o izvršenju Budžeta općine Ilijaš za period 01.01.2014– 30.06.2014. godine

Budžet općine Ilijaš za period 01.01.2014 – 30.06.2014. godine, je izvršen kako slijedi :

Ukupno ostvareni prihodi :	4.179.772,00 KM
- Porezni prihodi	1.222.224,00 KM
- Neporezni prihodi	1.444.565,00 KM
- Tekući grantovi	1.292.022,00 KM
- Prihodi od donacija	5.500,00 KM
- Kapitalni primici	215.426,00 KM
- Prihodi po osnovu zaostalih obaveza	35,00 KM

Ukupno izvršeni raspored izdataka 2.980.163,00 KM

Razlika između ostvarenih prihoda
i izdataka – suficit 1.199.609,00 KM

Na ovoj sjednici Općinskog vijeća razrješena je dužnosti član Komisije za mlade i obrazovanje Bibić Asima – predstavnik Stranke za Srednje.

Razrješen je dužnosti i član Drugostepene stručne komisije Osmanović Edin – predstavnik SDA stranke, koji je podnio ostavku, te je imenovan Fahrudin Dervišević – predstavnik SDA stranke

Razrješena je dužnosti člana, a time i zamjenika predsjednika Komisije za zdravstvo, informisanje, socijalna i vjerska pitanja Salihović Selma – predstavnik SDA stranke, zbog podnesene ostavke, te je imenovana Omerović Alma – predstavnik SDA stranke.

Odluka o neposrednoj pogodbi za dodjelu neizgrađenog građevinskog zemljište, kojom se Srpskoj pravoslavnoj crkvenoj opštini Nišička u Nišićima za izgradnju vjerskog objekta Srpske pravoslavne crkve na Visojevici površini od 666 m², dobila je potrebnu većinu.

Usvojena je i Odluka o načinu i uslovima prodaje neizgrađenog gradskog građevinskog zemljišta,

kojom je definisano da se raspisuje javni konkurs za prodaju neizgrađenog gradskog građevinskog zemljišta u državnom vlasništvu putem javnog nadmetanja radi rekonstrukcije – dogradnje, nadziđivanja i redizajna poslovne jedinice u nizu poslovnih prostora u ulici 126. Ilijaške brigade (Centar) u skladu sa Regulacionim planom "Centar" Ilijaš i korekcijom navedenog plana usvojen od strane općinskog načelnika od 27.08.2014. godine. Gabariti objekta: prizemne etaže dim (8,0 x 13,05)m, spratne etaže dim (8,0 x 16,05) m i drugi objekat gabarita: prizemlje dim (10,40 x 16,45 +2,65 x 13,65)m, spratne dim (13,40 x 16,45 +2,65 x 13,65) m.

Početna prodajna cijena za neizgrađena građevinska zemljište iznosi 100,00 KM/1m² zemljišta. Jednoglasno je usvojena i Odluka da se raspiše javni konkurs za prodaju neizgrađenog gradskog građevinskog zemljišta u državnom vlasništvu putem javnog nadmetanja radi izgradnje objekta privrede i male privrede označenog P-13 u obuhvatu Industrijske zone "Luke" Ilijaš u skladu sa Regulacionim planom "Luke" Ilijaš.

Početna prodajna cijena za neizgrađeno građevinsko zemljište iznosi 25,00 KM/1m² zemljišta. Usvojena su i pojedina Rješenja o imovinsko-pravnim poslovima.